



Հրապարակման ենթակա չէ

**Պայմանագիր**

Թիվ. 18-06.3/011117-2

ք. Երևան

«01».....11.....2017թ.

Հայաստանի Հանրապետության կենտրոնական բանկը՝ ի դեմս Գլխավոր քարտուղար Դավիթ Նահապետյանի, ով գործում է ՀՀ կենտրոնական բանկի նախագահի 15.12.2015թ. տրված 2/309 կարգադրության հիման վրա (այսուհետ՝ Բանկ), և ՀՀ կառավարությանն առընթեր պետական եկամուտների կոմիտեն՝ ի դեմս Աշխատակազմի ղեկավար՝ Արտակ Սահակյանի, մյուս կողմից (այսուհետ՝ «Կոմիտե»), հետագայում միասին «Կողմեր», կնքեցին սույն պայմանագիրը (այսուհետ՝ նաև Պայմանագիր) հետևյալի մասին.

**1. Պայմանագրի առարկան**

1.1 Կոմիտեն պարտավորվում է կատարել ք. Երևան, Դեղատան փողոց 3 հասցեում գտնվող շենքի ջեռուցման գումարի փոխհատուցում (այսուհետ՝ Փոխհատուցում) Բանկին՝ ըստ ամիսների և փաստացի ջեռուցված օրերի քանակի:

**2. Պայմանագրի ժամկետը**

2.1. Սույն պայմանագիրն ուժի մեջ է մտնում ստորագրման պահից:

2.2. Պայմանագրով նախատեսված ջեռուցման համար նախատեսված Փոխհատուցումը Կոմիտեն Բանկին իրականացնում է Պայմանագրի ուժի մեջ մտնելու պահից 1 (մեկ) տարվա ընթացքում:


2.3. Կոմիտեի կողմից վճարումն իրականացվում է ընդունման-հանձնման ակտի ստորագրումից 5 (հինգ) աշխատանքային օրվա ընթացքում:

2.4. Սույն Պայմանագրի գործողության ժամկետի ավարտին և յուրաքանչյուր դեպքում, Կողմերի կողմից Պայմանագրի դադարեցման մասին որևէ ծանուցում չներկայացնելու դեպքում Պայմանագրի գործողության ժամկետը համարվում է երկարացված հերթական մեկ տարով:

**3. Պայմանագրի արժեքը և վճարման կարգը**

3.1. Սույն Պայմանագրով նախատեսված ջեռուցման համար Փոխհատուցման մեկ օրվա գումարը կազմում է 6 (վեց) ՀՀ դրամ՝ 1 (մեկ) քառակուսի մետրի համար: Ընդ որում ջեռուցվող տարածքի ընդհանուր մակերեսը կազմում է 2628 (երկու հազար վեց հարյուր քսանութ) քառակուսի մետր:

3.2. Սույն պայմանագրի 3.1 կետում նշված սակագնին և քառակուսի մետրին համարժեք յուրաքանչյուր ամսվա վճարումն իրականացվում է ջեռուցված օրերին համապատասխան՝ ընդունման հանձնման ակտի հիման վրա:



Հրապարակման ենթակա չէ

#### 4. Կողմերի իրավունքները և պարտավորությունները

- 4.1. Կոմիտեն պարտավոր է սույն պայմանագրով սահմանված կարգով և սակագներով Բանկին փոխհատուցել Պայմանագրի 3.1. կետում նշված գումարը:
- 4.2. Սույն Պայմանագրով Կողմերն իրավունք ունեն պահանջելու կատարելու սույն պայմանագրով նախատեսված իրենց պարտավորությունները:

#### 5. Կողմերի պատասխանատվությունը

- 5.1. Կոմիտեի կողմից սույն պայմանագրով սահմանված ժամկետում չվճարելու դեպքում վճարում է տույժ յուրաքանչյուր ժամկետանց օրվա համար, սույն պայմանագրի 3.1. կետում նշված ընդհանուր գումարի 0.05 (զրո ամբողջ հինգ տասնորդական) տոկոսի չափով:
- 5.2. Կողմերը ազատվում են պատասխանատվությունից, եթե պայմանագրի խախտումը պայմանագրի մյուս կողմի պարտավորությունների անպատշաճ կատարման կամ անհաղթահարելի ուժի ազդեցության հետևանք էր:
- 5.3. Կողմերը սույն պայմանագրով նախատեսված տույժերը վճարելով և վնասները հատուցելով չեն ազատվում սույն պայմանագրով նախատեսված իրենց պարտավորությունները լրիվ ծավալով կատարելուց:

#### 6. Այլ պայմաններ

- 6.1. Կողմերի համաձայնությամբ սույն պայմանագրի պայմանները կարող են փոփոխվել, լրացուցիչ համաձայնագիր կնքելու միջոցով:
- 6.2. Սույն պայմանագրի կողմերի միջև ծագած վեճերը լուծվում են բանակցությունների միջոցով: Բանակցությունների արդյունքում համաձայնության չգալու դեպքում վեճերը լուծվում են ՀՀ օրենսդրությամբ սահմանված կարգով:
- 6.3. Սույն պայմանագիրը կնքվում է երկու հավասարազոր օրինակից, յուրաքանչյուր Կողմին տրվում է սույն պայմանագրի մեկ օրինակ:

#### Կողմերի իրավաբանական հասցեները

«Բանկ»

Հայաստանի Հանրապետության կենտրոնական բանկ

ք. Երևան, Վ. Սարգսյան 6

ՀՎՀՀ 02522053

h/h 103004614006

Գլխավոր քարտուղար

Դավիթ Խահապետյան

«Կոմիտե»

ՀՀ կառավարությանն առընթեր պետական եկամուտների կոմիտե

ք. Երևան, Խորենացի 3/7

ՀՎՀՀ 02647057

h/h 900013574018

Աշխատակազմի ղեկավար՝

Արտակ Սահակյան

